



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 7. Aquavivæ Cardinalis decessus.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

tulo sancti Joannis ante Portam Latinam, & postea Legatus a Latere apud Hispaniæ Regem nominabatur: inde vero Romam redux mutato Ecclesiæ suæ titulo illum de Ara Cæli assumpsit, necnon Anno a partu Virginis millesimo quingentesimo sexagesimo octavo suum Episcopatum ultro dimisit, postquam Collegium, ubi juvenus familiæ Cribellinæ literis institueretur, in urbe ædificavit: tandem sub Gregorio XIII. cujus, uti etiam Pii V. antecessoris comitiis interfuerat, die vigesima secunda Decembris anno Salutis millesimo quingentesimo septuagesimo quarto ætatis sexagesimo tertio, seu sexagesimo sexto, e vita abiit, & in Ecclesia sui tituli conditus est.

§. VII.

*Aquavivæ Cardinalis decessus.*

Denique quartus erat Julius Aquaviva Arragonensis ex illustri Neapolitani Regni stirpe in plurimos ramos diffusa ortus, nam ex Gioræ Comitum, & Atriæ Ducum genere descendit, fuitque natus minor Joannis Hieronymi Aquavivæ Arragonii, ac Atriæ Ducis, & Margaritæ Piæ filius, qui meritis suis, ob quorum famam Pio V. probe erat notus, hujus Pontificis gratiam promeruit, atque ab eodem utriusque ut

*Ciacon.  
pag. 1061.  
Gabut. in  
vita Pii V.*

Sæcul. XVI  
A.C. 1574.

ut vocant, Signaturæ Referendarius fuit renuntiatus, etsi vix vigesimum ætatis suæ annum attigisset: postea legatione ad Philippum II. Hispaniæ Regem decoratus sacre jurisdictionis jura conservare, eaque violenter a regis Ministris Mediolani violata tueri jubebatur, quo munere digne functus annos natus viginti quatuor a Pio V. Cardinalium Collegio adscriptus est. obtento titulo sancti Callisti, quo paulo post mutato titulum sancti Theodori adoptavit, Cardinalium Diaconorum numero accensus. Hic idem quoque unacum aliis a Pio V. ad æternam gloriam evoluturo accersitus fuit, ejusque morti interfuit, ab eodem piis admonitionibus firmatus: præterea Julius suffragium suum in comitiis Pontificiis Gregorio XIII. dederat, tandem vero die Mercurii duodecimas calendas Augusti obiit anno sui Cardinalatus quarto, qui erat a Nativitate Christi millesimus quingentesimus septuagesimus quartus, illius vero ætatis nonnisi vigesimus octavus: porro corpus ejus in Ecclesia Lateranensi sepultum fuit. Hujus Cardinalis germani fratres fuere sex, mirum. I. Octavius Aquaviva a Gregorio XIV. Cardinalis creatus anno millesimo quingentesimo nonagesimo primo. II. Horatius insignis Theologus

Ordin

Ordinis Cisterciensis Monachus, & Sæcul. XVI.  
A.C. 1574.  
Episcopus Cajacensis. III. Rudolphus,  
qui nuntio rebus humanis remisso, to-  
tum se Deo in Societate Jesu consecra-  
vit, & sanguinem pro Christi fide in  
Indiis fudit: IV. Antonius, qui Mili-  
tum Venetorum Tribunus in Corcyræ  
Insula e vita migravit: V. Adrianus,  
qui Comitum Conversanorum, & No-  
ciorum stirpem propagabat: VI. Alber-  
tus ceterorum natu minimus Atriæ  
Dux, qui Beatricem Lannoyam Sul-  
monis Principis Filiam duxerat.

§. VIII.

*Antonii Muchii, seu Democharis  
fata.*

Inter Scriptores Ecclesiasticos, quibus La Croix  
du Maine  
Bibl. Franc.  
Dupin Bibl.  
t. 16. p. 115.  
hoc anno mors calamum excussit, præ-  
primis numeratur Antonius Mu-  
chius Reffoniæ Bellovacensis Diæcesis  
pago Compendiam inter, & Raugam  
sito natus. Is Parisiis percurso studio-  
rum curriculo Anno Christi millesimo  
quingentesimo trigesimo secundo in Uni-  
versitate Professor, ac septimo post an-  
no illius Rector creatus est: postea au-  
tem Doctoratus laurea in Facultate  
Theologica decoratus in Novidunensi  
Ecclesia Metropolitana Canonicatum  
obtenuit: cum vero Lotharingii Cardi-  
nalis benevolentiam sibi captaret, ab  
*Hist. Eccles. Tom. XLIX. Q eodem*